

JAVNA USTANOVA DOM ZDRAVLJA BUSOVAČA

Broj: 366/25

Busovača, 07.04.2025.god.

Na osnovu člana 49. Statuta Javne ustanove Dom zdravlja Busovača („Službeni glasnik Općine Busovača“, broj: 1/17) i člana 8. stav 7. Uredbe o postupku prijema u radni odnos u javnom sektoru u Srednjobosanskom kantonu („Službene novine SBK/KSB“, broj: 7/19) direktor JU Dom zdravlja Busovača donosi

KRITERIJE ZA BODOVANJE PISMENOG ISPITA, USMENOG INTERVJUA I PRAKTIČNOG ISPITA U POSTUPKU PRIJEMA U RADNI ODNOS U JU DOM ZDRAVLJA BUSOVAČA VOZAČA SANITETSKOG VOZILA

Član 1.

Ovim kriterijima propisuje se postupak bodovanja pismenog ispita, intervjuja i praktičnog ispita kod prijema u radni odnos u Javnoj ustanovi Dom zdravlja Busovača vozača sanitetskog vozila.

Član 2.

Komisija sačinjava spisak od 10 pitanja koja će biti predmet pismenog testiranja iz oblasti radnog mjesta i zvanja za koji se provodi procedura prijema

Svako pitanje boduje se jednim bodom tako da je maksimalan broj bodova na pismenom ispitu 10 bodova.

Na pismenom ispitu potrebno je osvojiti 6 bodova što predstavlja uslov za pristupanje intervjuu.

Pismeni ispit traje 45 minuta.

Kandidat koji ne pristupi pismenom ispitu smatra se da je odustao od prijave.

Član 3.

Intervju se sastoji od 5 pitanja.

Svaki član Komisije za provođenje javnog oglasa daje od 1 do 5 bodova tako da maksimalan broj bodova na intervjuu može biti 25 bodova.

Pitanjima na intervjuu utvrđuju se: opće osobine, fleksibilnost, predznanje o poslu, relevantno radno iskustvo, analitičke sposobnosti i sposobnost iznalaženja rješenja, sposobnost i vještina komunikacije, interesi, profesionalni ciljevi, stavovi i motivacija kandidata za rad u Ustanovi.

Na intervju se mogu postavljati i određena pitanja iz oblasti za koje je proveden pismeni ispit.

Kandidat koji ne pristupi intervjuu smatra se da je odustao od prijave.

Praktični dio ispita će se sastojati od tri pokazne vještine vezane za samo radno mjesto na koje je kandidat aplicirao i svaka pokazna vještina će se bodovati od 1 do 5 bodova tako da maksimalan broj bodova iznosi 15.

Član 4.

Na osnovu utvrđenih bodova na pismenom ispitu, intervjuu i praktičnom ispitu Komisija za provođenje javnog oglasa sastavlja listu uspješnih kandidata koju je dužna dostaviti direktoru u roku od tri radna dana nakon objavljenog intervjuja.

Član 5.

Pismeni ispit, intervju i praktični ispit mogu se odrediti isti dan, ovisno o broju kandidata prijavljenih na javni oglas.

Član 6.

Kriteriji stupaju na snagu danom donošenja, a objavit će se na oglasnoj ploči Ustanove i web stranici Doma zdravlja Busovača.

direktor
dr Amir Sadiković
spec. obiteljske medicine